

建寧府志卷之二十九

人物二

名臣

宋

曹修古字述之建安人舉進士累遷監察御史上言四事辭甚切至又奏唐貞觀中嘗下詔令致仕官班本品見任上欲其知恥而勇退也比有年餘八十尚仕班行心力既衰官事何補請下有司敕文武官年及七十上書自言特與遷官

建寧府志

卷之二十九

名臣

二百八十

承

致仕仍從貞觀舊制卽宿德勲賢自如故事因著爲令一日偕三院御史十二人晨朝將至朝堂黃門二人行馬不避呵者止之反爲所詬修古奏御史尊則天子尊今黃門侮慢若此請付所司劾治帝聞命立答之晏殊以笏擊人折齒修古奏其忿躁亡大臣體司天監主簿苗舜臣等嘗言土宿畱參太白晝見詔百官同考定及奏皆謂土宿畱參順不相犯太白晝見日未過午舜臣等遂以妄言災變被罰修古奏言百官

所定希旨悅上未足爲信今罰舜臣等其事
小然恐人人自此畏避取容以災爲福所損至
大禁中以翡翠爲服玩詔市於南越修古請罷
之時頗崇建塔廟議營金閣修古極陳其不可
久之出知歙州徙南劍州始建學館市田餼士
爲諸郡倡政平訟理吏民畏服復爲開封府判
官歷殿中侍御史刑部員外郎知雜司事同判
吏部流內銓未踰月會太后兄子劉從德歿錄
其姻戚至於厮役幾八十人修古與楊偕郭勸

建寧府志

卷之二十九

名臣

二

三百二十二

禾

段少連交章論列太后怒皆削一官以修古爲
工部員外郎通判杭州未行政知興化軍澹泊
簡易循良爲閩中最會赦復官遽卒于莆修古
博學而文善議論內和外剛當太后臨朝權倖
用事人人顧望畏忌而修古獨遇事敢言旣歿
士論惜之太后崩帝思修古特贈右諫議大夫
賜其家錢二十萬錄壻劉勳爲試將作監主簿
修古無子以兄子覲爲後弟修睦

鄭毅字致剛建安人授陸安府教授權信陽縣尉

監南京酒稅召爲御史臺主簿張邦昌僭號
挺身見高宗濟州旣卽位擢監察御史再遷諫
議大夫高宗至杭州穀請察舉吳越賢俊之士
簡任拔舉以濟時艱苗傅劉正彥等逆亂擁兵
行宮門外梟王淵首悉捕斬諸內侍逼尊高宗
爲睿聖皇帝請隆祐太后垂簾聽政而立皇太
子高宗縋宰相朱勝非下樓諭之二凶猶辨不
伏穀廷立面折且謂逆賊凶欲熾甚非請外援
無可爲者乃上章待罪求去且欲見呂頤浩議

建寧府志

卷之二十九

名臣

三

三百三十六

禾

興復計太后降詔不允尋拜御史中丞時二凶
竊威福肆殺戮日至都堂侵紊機政穀言黃門
宦者之設供掃除而已與政事則貪暴無厭假
兵權則慘毒無已故宦官用事則生人受禍匹
夫力不能勝則羣起而攻之是以靖康之初羣
起而攻之者度民也睿聖皇帝南渡駐蹕未安
羣起而攻者衆兵也今當痛革前弊選擇其人
曾經事任招權納寵者屏之遠方俾無浸淫以
激衆怒仍諭軍法便宜止行于所轄軍伍其餘

當聞之朝廷付之有司明正典刑所以昭尊君之禮全臣子忠義之節也疏畱中不出鼓請付外行之二凶爲少戢又論黃潛善錢伯言呂源之罪詔竄削有差及聞召呂頤浩簽書樞密院事又以禮部尙書召張浚且分其兵浚不受命因謫浚郴州穀知出二凶奸謀具章乞畱頤浩知金陵浚不當貶不報鼓遂遣所親變姓名徒步如平江見浚等且言城中事以爲嚴設兵備大張聲勢持重緩進使賊自遁無驚動三宮此

爲上策因賦杜鵑詩令密示諸同署浚等聞之皆感激奮勵爲赴難計詔睿聖皇帝爲皇太弟天下兵馬大元帥幼主爲皇太姪鼓與御史王庭秀上疏力爭太后召對諭曰今欲令睿聖皇帝總領兵馬爾鼓奏曰臣不知其他但人君位號豈容降改聞之天下孰不懷疑雖前世衰亂分裂之時固未有旬日之間易兩君一朝降兩朝位號者也太后遂令鼓赴都堂商議鼓至責問二凶且曰太尉若要做官家須是先殺了鼓

言甚激烈劉正彥起曰某等荷中丞教誨豈敢負國恩中丞誤見疑遂不降詔太后乃以鼓與李邴竝爲端明殿學士同簽書樞密院事力謀復辟三日高宗反正張浚等率勤王之師將至城下然城中兵柄皆在二凶之手鼓恐變生不測因說之曰今日主上復辟皆出二公獨奮忠義功蓋一時但勤王諸公未嘗委曲恐衆怒未息兩兵相向妄有殺戮今欲暫除二太尉大使領重兵出外少避諸公入城具言二太尉復辟之功使三軍曉然無疑然後大用未晚也二凶許諾卽日除苗傅江南制置大使正彥副使領兵出城纔閉關張浚等兵已交鋒苗劉敗走高宗卽除鼓簽樞特封建安縣開國男食邑四百戶鼓自難作夙夜盡瘁至忘寢食凡輔政百日而卒高宗嘆悼久之顧謂大臣曰朕喪元子猶能排遣於鼓殆不能釋也謚忠穆

徐的字公準甌寧人補欽州軍事推官言於轉運使鄭天監請徙州瀕水以舒瘴疫天監轉聞從

之因奏留的使董役的短衣持挺與役同勞城郭樓櫓府舍倉庫溝渠塵肆遂以鼎備遷大理寺丞知吳縣移梁山軍通判常州屬歲饑出米食餓累遷尙書屯田員外卽知臨江軍擢廣南西路提點刑獄安化州蠻攻殺將吏部卒畏誅謀爲變的馳至宜州慰曉之皆斂手聽命改知舒州徙荆湖北路轉運使辰州蠻彭士義爲寇的開示恩信蠻黨悔過自歸攝江陵府事城中多惡少年時時夜縱火以便爲盜一夜十數火

的籍其姓名使相保任火患遂絕以兵部員外卽爲淮南江浙荆湖制置發運副使奏通泰州海安如臯縣漕河詔未下以便宜召兵夫濬治出滯鹽三百萬得錢八百萬緡處制置發運使軍賊王倫起山東轉掠淮南的團兵待之會青州改遣裨將傅永吉追殺入歷陽的與賞遷工部卽中復治泰州西溪河發積鹽加直昭文館區希範蒙趕寇衡湘命的招撫之旣至再宿蠻長相繼出降三司以郊祠近宜召還計事旣還

蠻復叛除度支副使荆湖南路安撫使至桂陽
降者復衆其欽景石碣華陰水頭諸洞不降者
皆討平之斬其長熊可清等千餘級竟卒於桂
陽

吳申字景山甌寧人自南京國子監教授召爲國
子監說書英宗初爲睦宅都講初宗室坐序以
爵自賓主講官位席設於東隅申曰宗室當與
講官分賓主自以親族尊卑爲序卽不就坐大
宗正不能決以奏聞英宗是申說神宗擢爲御

建寧府志

卷之二十九

名臣

七

三百零七

承

史時王陶以論宰相不押常朝班出知陳州申
言風憲任重宜畱陶以勵其節又言內外官宜
久任又乞命內侍省保認內侍有無過犯然後
驅使不得指名抽取或在外作過委開封府皇
城司覺察之尋知諫院出知舒州卒詔賜其家
絹二百疋

陳洙字思道建陽人令長溪烏程二縣皆有聲績
歷殿中侍御史嘉祐中同知諫院司馬光上疏
乞選宗室爲皇嗣仁宗令以所言送中書而光

欲出自上意言此事止當造膝密言非如他者可露章廷爭也幸勿匆匆俟明主自發德音乃爲善耳洙數趣光曰若俟上自言當在何時遂上疏極陳東漢建儲不蚤之弊杜喬李固徒取誅戮無益於事且曰陛下以臣懷異日之圖莫若殺臣之身用臣之言疏方上卽仰藥歿以自明其無所覲奏下大計遂定司馬光言於朝曰竊見殿中侍御史裒行陳洙資性忠果憂公忘私稟命不永奄辭聖世垂沒之際獨上章奏冠

紳之倫靡不嗟惜宜有旌嘉異旌諸臣家素貧乏孤遺頗衆歸葬閩越道途險遠伏望朝廷特賜矜憫依監察御史裒行張宗誼例除子男一人官及乞降朝旨下衢信建三州候洙喪柩至彼差人防護津送前去亦足以示朝廷褒直勸忠終始之恩仁宗聞賜洙錢十萬元祐初光復言臣竊見嘉祐中仁宗皇帝未有繼嗣故殿中侍御史陳洙奏乞擇宗室之賢者立以爲後旣發奏狀謂家人曰我今日入一文字言社稷大

計若得罪大者死小者貶竄汝輩當爲之備下
奏狀者未返洙得病而卒臣特爲諫官親聞見
此事竊憐其亡身殉國繼之以死而天下莫之
知近見故職方員外郎張術亦以請建儲貳子
申伯特補太廟齋郎伏望聖慈依張術例除一
子宮以旌忠義哲宗從之

陳軒字元輿建陽人嘉祐八年進士廷試本冠多
士有司以其賦用韻失次欲黜之有旨降第二
先是賜進士袍笏例釋褐於庭下軒解衣若懸

建寧府志

卷之十九

名臣

九

三百下九

在

鶉仁宗惻然解黃衣賜之其後賜袍笏有淡黃
色自軒始初授平江軍節度推官元豐中知汀
州治尚清靜蝗不入境屢致豐年元祐中爲禮
部郎中徐王翊善再遷中書舍人高麗入貢軒
館客其使求市歷代史冊府元龜抄鄭衛曲譜
皆爲上聞禮部尚書蘇軾劾其失體以龍圖閣
待制知廬州徙杭州江寧穎昌府徽宗立爲兵
部侍郎兼侍讀論監司守臣數易之弊願稍久
其任又言比更定役法欲以寬民力而有司生

事急切苟營羸美夫散青苗本以抑兼并拯難困不當以散多予賞入侍經闈每勸徽宗清淨恭儉徽宗頗聽行之加龍圖閣直學士知成都府不行改杭州福州卒年八十四

陳師錫字伯修建陽人熙寧中游太學有雋聲神宗知其材及廷試奏名在甲乙間神宗偶閱其文屢讀屢嘆賞曰必陳師錫也啓封果然擢第三調昭慶軍掌書記郡守蘇軾器之倚以爲政軾得罪捕詣臺獄親朋多畏避師錫獨出餞之

建寧府志

卷之二十九

名臣

十

三百五十一

在

又安輯其家知臨安縣爲監察御史上言宋興享國長久號稱太平者莫如仁宗切考致治之本不過延直言御羣下進善退邪而已明道中親覽萬幾見政事多辟輔佐失職自呂夷簡張耆夏竦陳堯佐范雍晏殊等一日罷去寶元初冬雷地震用諫官韓琦之言王隨陳堯佐韓億石中立同時見黜其後不次擢用杜衍范仲淹富弼韓琦以成慶曆嘉祐之治願稽皇祖納諫御臣之意以興治功神宗善其言時詔進士習

律師錫言陛下方大闡學校用經術訓士不應以刑名之學亂之出知宿遷縣元祐初蘇軾三上章薦其學術淵源行已潔素議論剛正器識精深德行追蹤於古人文章冠絕於當世乃入爲秘書省校書郎遷工部員外郎加秘閣校理提點開封縣鎮畿內將官苛慝失士心嘗大閱羣卒譁譟將吏莫知所爲師錫馳至軍推首惡者致諸法按閱如初而劾斥其將縣人歎服樞密院猶以事不先白爲罪罷知解州歷考功員

建寧府志

卷之二十九

名臣

十一

三十一

在

外郎知宣州蘇州徽宗立召拜殿中侍御史疏言元豐之末中外洶洶矣宣仁聖后再安天下委國而治者司馬光呂公著耳章惇誣其包藏禍心至於追貶天相陛下發潛繼統而惇猶據高位光等贈諡未還墓碑未復願早摠宸畧以慰中外之望蔡京爲翰林學士師錫言京與弟卞同惡迷國誤朝而京好大喜功銳於改作日夜交結內侍戚里以覲大用援引成黨至數百人鄧洵武內行汙惡縉紳不齒豈可滓穢史筆

向宗回宗良亦陰爲京助是皆陛下宗廟賢人君子之憂徽宗曰此於東朝有礙卿爲我處之師錫遂上封事於太后言自昔母后臨朝危亂天下載在史册可考而知至於手書還政未有如聖母退抑謙遜而蔡京陰通二向妄言宮禁預政不可不察時陳瓘亦與師錫同論京卞號爲二陳俄改考功卽中抗言臣在職數月所陳皆當今急務若以爲非陛下方開納褒獎若以爲是則不應遽解言職如蔡京典刑未正願受竄貶于是出知穎廬滑三州蔡京當國編置黨籍中坐謫監衢州酒稅尋因註陰符經削官安置郴州宣和末復朝請大夫卒年六十九葬丹徒紹聖中贈左諫議大夫直龍圖閣號間樂先生有文集十卷丞相葉衡爲上章疏多被詔遣追焚僅存十五篇叅政李光敘之

范致虛字謙叔建陽人爲太學博士鄒浩以言事斥致虛坐祖送停官徽宗立召見除左正言出通判郢州崇寧初以右司諫召道改起居舍人

進中書舍人蔡京建請置講議司引致虛爲議
定官議不合改兵部侍郎自是入處華要出典
大郡者十五年以附張商英貶通州政和七年
復官入爲侍讀修國史尋除刑部尚書提舉南
京鴻慶宮初致虛在講議司延康殿學士劉昺
嘗乘蔡京怒擠之後昺坐連坐論死致虛力爭
得減竄士論賢之遷尚書右丞進左丞母喪踰
年起知東平府改大名入見時朝廷欲用師契
丹致虛言邊隙一開必有意外之患宰相謂其

建寧府志

卷之十九

名臣

十三

三百二十七

在

懷異致虛乞終喪從之免喪知鄧州改河南府
復移鄧提舉亳州明道官靖康元年召赴闕道
除知京兆府時金人圍太原聲震關中致虛修
戰守備甚力朝廷命錢蓋節制陝西除致虛陝
西宣撫使金人分道再犯京師詔致虛會兵入
援錢蓋與西道總管王襄聞京師破皆遁走致
虛獨與西道副總管孫昭遠合兵環慶帥臣王
似熙河帥臣王倚以兵來會致虛合步騎號二
十萬以右武大夫馬昌祐統之杜常將民兵萬

人趨京師夏俶將萬人守陵寢有僧趙宗印者
喜談兵致虛以便宜假官俾充宣撫司叅議官
兼節制軍馬致虛以大軍遵陸宗印以舟師趨
西京金人破京師遣人持登城不下之詔以止
入援之師致虛斬之顧宗印徒大言實未嘗知
兵而致虛勇而無謀委已以聽遂與宗印鼓行
出關宗印軍出潼關致虛軍出武關至鄧州千
秋鎮金將婁宿以精騎衝之不戰而潰死者過
半然致虛雖敗其忠心勇氣有足稱者高宗幸

建寧府志

卷之五

雜

古

三百二十六

在

建康召復資政殿學士知鼎州行至巴陵卒贈
銀青光祿大夫

范如圭字伯達建陽人少從舅氏胡安國受春秋
登建炎二年進士授武安軍節度推官始至帥
將斬人如圭白其誤帥以爲已署不易也如圭
正色曰節下奈何重易一字而輕數人之命帥
矍然從之以愛去近臣交薦召試秘書省校書
郎時秦檜力主和議金使來將虛秘書省以處
之如圭亟見趙鼎曰秘府謨訓所藏可使仇敵

居之鼎竦然爲改館旣而金使悖傲議多不可
從中外憤鬱如圭以書責檜曲學倍師忘讐辱
國且曰公不喪心病狂奈何爲此必遺臭萬年
矣檜怒金歸河南地檜方自以爲功如圭言兩
京之版圖旣入則九廟八陵瞻望咫尺今朝修
之使未遣何以慰神靈萃民心乎帝泣然曰非
卿不聞此言卽日遣宗室士儂及張燾以行檜
以不先白已益怒如圭因謁告奉祠十餘年檜
歿首被入對言爲治以知人爲先知人以清心

建寧府志

卷之十九

名臣

十五

三百五十五

在

寡欲爲本語甚切遷直秘閣提點利州路刑獄
尋以病請祠時儲嗣未定道路竊有異言如圭
乃哀至和嘉祐間臣寮乞立皇儲奏議凡三十
六篇上之帝感悟謂輔臣曰如圭可謂忠矣卽
日下詔以普安郡王爲皇子復起如圭知泉州
以裁正宗官被譖領祠如故僦舍邵武以居卒
年五十九有文集十卷皆書疏議論之語子念
祖念德念茲

熊克字子復建陽人唐御史大夫博之後第進士

知諸暨縣越帥課賦頗急諸邑率督趨以應克
曰寧獲罪不忍困吾民他日府遣幕僚閱視有
亡時方不雨克對之泣曰此催租時耶部使者
芮燁至其境謂曰曩知子文乃今見政表薦之
入爲提轄文思院嘗以文獻曾覲覲持白孝宗
孝宗喜之出御筆除直學士院宰相趙雄疑其
由徑沮之孝宗意方向之不能回也遂以爲授
書卽累遷學士院權直孝宗御選德殿召諭曰
卿制誥工且有體自此燕閒可論治道克自以

建寧府志

卷之十九

名臣

十六

三百三十一

在

見知於上數有論奏嘗言邊事宜以和爲守以
守爲功守則莫重淮東援淮東之策莫若卽淮
陰建水軍置巡簡警督之名爲備盜無使敵疑
卽緩急可相應孝宗嘉之召草明堂赦書言二
浙薦饑飛蝗大起赦文不宜飾詞孝宗復嘉其
識體除起居卽兼直學士院以言者出知台州
卒時七十三所著有中興小曆九朝通畧官制
新典帝王經譜諸子菁華等書

游九功字勉之建陽人用蔭補官嘉定中興元失

利九功知金州州無城以便宜遣兵禦備收復
隣疆除湖北運判知鄂州被論予祠起爲兵部
郎入見首言守邊必先結人心今征役無藝以
資苞苴囊橐而民心失將帥朘削功賞不以時
下而軍心失倚仗諛佞護疾忌醫而士大夫之
心失出知泉州端平初召爲司農少卿疏論奸
貪多佚罰諸賢或號召未至又論沿邊夫役之
弊加兼樞密副都承旨知慶元府以循吏稱入
權刑部侍郎丐祠再召不赴除待制加寶謨直

建寧府志

卷之二十九

名臣

七

三百三十三

美

學士致仕卒九功清慎廉恪與兄九言自爲師
友講明理學號受齋先生有文集行世寶祐中

謚文靖

朱在字叔敬建陽人熹季子也用蔭補官嘉定初
除籍田令應詔上封事除將作監主簿累除大
理寺正知南康軍奉祠起知信州入對以進學
問振紀綱求放心爲言除提舉浙西常平茶鹽
公事加右曹郎官兼知嘉興府召爲司農少卿
充樞密副都承旨出爲兩浙運副寶慶中權工

部侍郎進對奏人主學問之要理宗曰卿先卿
中庸序言之甚詳在因奏閔損以下九人竝封
公爵獨曾參封郕侯乞與竝封楊雄劇秦美新
爲漢之賊豈可列之從祀乞去其像國家有程
顥程頤受學周敦頤得孔孟以來不傳之緒又
有張載相與發明亦旣贈官賜諡若使之從祀
廟庭斯文幸甚上嘉納之除吏部侍郎請外除
寶謨閣待制知平江府遷煥章閣待制知袁州
奉祠卒子鉉通直郎兩浙通運判官

建寧府志

卷之二十九

名臣

六

三百三十四

美

蔡杭字仲節建陽人沉次子歷諸王宮大小學教
授奏對論正心及內降斜封之弊又言權奸不
可復用國本不可不早定寶祐中繇浙東提刑
召爲國子司業兼資善堂翊贊續以試國子祭
酒兼侍立修在官仍兼資善堂翊善歷遷工部
侍郎權吏部尙書除端明殿學士同知樞密院
事拜叅知政事落職踰年復殿學致仕卒諡文
簡以犯祖諱更諡文肅杭司著作劾叅知政事
劉之傑黨於史嵩不叶物議爲國子司業論京

尹余晦凌辱三學及奏權奸丁大全不可用卽不待報去在州郡所至祀先儒旌忠節舉遺逸表行義居家孝友四時祭祀仍遵伯父淵遺制遇朞功總麻之喪必衰衣以終月數及治喪母得用浮屠法子公亮大理司直

劉夔字道元崇安人登祥符八年進士累遷屯田員外卽權侍御史時李照改製大樂鐘磬夔言樂之大本與政化通不當輕易其器願擇博學之士以補卿丞凡獻妄說以要進者一切罷之

建寧府志

卷之五

九

九

三百三十三

美

出知廣州有廉名權三司度支副使桂陽蠻唐和寇邊以右諫議大夫龍圖閣直學士知潭州兼湖南安撫使初至招降不從乃進兵破其巢穴復以京東盜起進給事中樞密直學士知鄆州兼京東安撫使發廩勸分民賴全活者甚衆盜賊衰息賜書褒諭大臣議欲修復黃河故道夔極言其不可得罷遷工部侍郎知福州改知建州以戶部侍郎致仕英宗卽位遷吏部侍郎卒年八十三夔嘗遇隱者得養生術至老強壯

如少壯所著有文選筆粹及晉書指掌十二卷
春秋褒貶志五卷

翁彥深字養源崇安人仲通子登紹聖二年進士
乙科調福州候官簿改鍾離令歲旱請粟十萬
斛以貸饑民薦除詳定九域圖志編修官屢遷
右司員外郎入對極論讞獄之弊請于讞狀列
囚之差等使大理刑部得以檢察從之退而與
同寮綱紀省事宰相不悅已而以弟彥國入臺
引嫌改秘書少監訪國朝以來諸儒論纂可傳

建寧府志

卷之十九

名臣

三

三百二十七

美

者上之睦州盜起彥深言民有疾苦不得上聞
宜詔求直言則下情可通盜可弭又言羽書選
至宜求忠臣義士列于諫垣明年賊平彥深言
撫綏安輯尤當加意朝廷從其言降赦時南軍
凱旋即議北征彥深力言出師渝盟之害又以
書白宰相言與金人夾攻契丹非策召見除國
子祭酒言今既罷舍學宜降詔申救多士禮部
尚書蔡偸譖彥深為元祐之學彥深笑曰彼亦
知有元祐學耶徙秘書監宦者梁師成提舉秘

書省彥淡以爲不可納交惠腐以辱天子館閣
未幾降兩官出知濟南府改知婺州召爲太常
少卿從幸揚州力陳淮陽無險要宜早渡江以
定基業歸老以卒所著有皇朝昭信錄及文集
各十五卷忠義列傳二卷唐史評一卷鍾離子
自敘一卷

翁彥國字端朝崇安人宣和中知本州福建運判
累官御史中丞靖康之難彥國爲江淮荆浙制
置轉運使充經制使朝廷令募兵入援京師再

建寧府志

卷之二十九

名臣

二十一

三百十五

美

被圍彥國領兵東上康王開大元帥府檄召天
下兵未有至者獨彥國屢遣使奔問官守至淮
寧與師臣何志等築壇歃血誓獎王室遣兄子
挺詣大元帥府請旨張邦昌使至彥國拘之於
軍以其書申大元帥府聞大元帥屯濟州乞移
近邑及早正大號高宗卽位除兼江南東西路
經制使卒贈少保

詹公薦字文舉崇安人靖康末金人犯闕張邦昌
僭立素喜公薦才欲官之公薦匿間道至行在

奏金事甚悉高宗喜曰王室危疑人心騷動卿能捐身殉國真忠臣也擢太常丞遷祠部郎中請補外除廣東提刑

何昌世字正卿崇安人南渡時任台州司理時金兵甚熾官吏望風遁去昌世獨迎駕入城高宗問何官具以職名對慰勞再三剪御衣尺許書云朕南渡以來盡忠獨汝與此爲券國定論功紹興中特改宣教卽除大理寺丞終司農少卿劉子羽字彥修崇安人幹長子以蔭補官侍幹守

建寧府志

卷之二十九

名臣

二十一

三百三十一

美

越以羸卒佐幹破方臘全其城後知池州貽書宰相論天下兵勢當以秦隴爲根本除樞密院檢詳文字范瓊跋扈不臣與張浚密謀誅之浚宣撫川陝辟叅議軍事金闖江淮浚議出師子羽爭不聽兵至富平與戰敗績力言當畱興州以安關蜀收集散亡浚然之而諸將無敢行者子羽單騎就道時敵兵縱橫道路阻絕將士無所歸聞子羽至大喜莫不來會子羽命吳玠柵和尚原守大散關金人懼引去河池金州二鎮

皆饑而與元帥閉仙人石門二關塞褒斜路二
鍾病之後以便宜用子羽鎮興元弛關禁開褒
斜道通商輸粟以濟其急時於所獲叛將衣篋
中得金文移約由階城梁津金商三路入侵子
羽益修守禦移書吳玠王彥使各全守備以待
敵彥不聽已而金州果失守子羽聞之卽遣田
晟等馳守饒風嶺且以書報玠玠至中道請計
事子羽曰敵日夕至饒風不亟守是無蜀也玠
往饒風列營拒守金人悉力仰攻爲所敗遂以
輕兵間道犯關子羽退守三泉從兵不滿三百
與士卒同麤糲至取草木芽葉食之遺玠書曰
子羽誓死于此與公訣矣玠得書泣夜馳至其
寢子羽方熟寐傍無禁衛玠曰此爲何時簡易
如此子羽慨然曰吾命在報國祇一死耳後金
遣使招子羽及玠子羽斬之縱一人還曰爲我
語爾帥請來血戰我有死耳何可招也遂由間
道往與玠謀出銳兵夾攻之金人知而遁與玠
急遣兵邀於武林關敵盡棄輜重而奔遂掩擊

之障溪谷者不可勝計其餘降者凡數十柵全蜀遂安議者謂富平之敗乃其主謀遂有白州之命玠納節請贖乃免既而召赴闕使諭旨西師還奏邊備虛實未幾淮西軍亂浚去國言者謂子羽觀望責徙漳州會以郊恩歸後金渝盟子羽起師沿江久而敵騎不至浚視師江上以問子羽子羽曰金異時入寇飄忽如風雨今更遲回必有他意金果邀和使來植旗于舟中大書云江南撫諭子羽怒以他旗易之翌日伴使

請不得以語脇之子羽曰吾爲守臣朝論無所與然欲揭此於吾境有灰而已固請出境始還之浚還朝上聞其治狀及所料敵情詔復職竟以不附和議奉祠歸子羽生平慷慨厲氣節料敵決勝殆無遺算雖古名將不能過至其爲政摘奸發伏有古良吏風嘗再貶徙怡然不以介意而許國之誠至歿不懈朱熹嘗稱子羽在川陝雖盛寒必侵晨著單汗衫入教場射箭三百率以爲常又云幼常侍側賓客滿座見其目覽

書尺耳聽指授口供應對手答書疏頃刻之間百函俱發並無差錯真人傑也官至朝議大夫寶文閣直學士卒贈少傅諡忠穆改諡忠定

劉子翼字彥禮崇安人幹季子少精敏力學用蔭補承務卽調秀州司錄宣和七年冬幹鎮真定金人入境子翼沿微間關兵刃走侍膝下時朝廷割地議和遣人持詔取河北監司分畫地界幹稱詔拒之靖康元年春遣子翼入奏事賜對延和殿欽宗見子翼進止閒雅因而受知未幾

建寧府志

卷之十九

名臣

二十五

三百五十八

在

除江西轉運使司遷浙東提舉茶鹽事轉承奉卽歷轉宜議卽建州熊志寧范汝爲相繼叛有旨除子翼知建州道路梗塞或勸子翼從王師航海進子翼曰建吾父母之邦殺而勝之可乎乃單車自崇安入賊方棲山守險所在屯布子翼崎嶇行賊營以誠信諭之曰汝輩註誤及此今王師且至若能自新釋兵歸耕太守能活汝不然悔無及賊皆曰我輩有生路矣羅拜而去王師得下多所俘獲子翼爲分別善惡縱釋之

賊首逸去子翼設方畧明賞罰不閱月而獲其
巨猾爲害而幸免者因事除之良家子流落者
悉俾從良志寧等初禱于七聖廟爲逆子翼曰
助賊爲亂尙血食乎盡燬其像尋知南劍州蠲
減科斂一新郡治紹興二年應詔獻言忤當道
奉祠郡民借畱不報乃立生祠事之俄以循吏
薦知撫州徙信州子翼開明勤決而本之以恕
所至簡易故得民如此

劉琪字其父崇安人子羽長子生有奇質從季父

建寧府志

卷之二十九

名臣

二十六

三百三十一

在

子翬學以祖蔭補承務卽登紹興十二年進士
爲禮部卽官秦檜欲追謚其父召禮官琪獨不
至坐廢檜死召爲大宗正丞遷吏部員外卽兼
權中書舍人御史杜莘老以論宦者張去爲左
遷琪不草制莘老遂得畱金人犯邊王師北征
詔檄多出其手詞氣激烈聞者泣下從幸建康
兼直學士院車駕將還以楊存中爲江淮宣撫
使琪力爭罷之出知泉州改衢州又改潭州兼
湖南安撫使討平宜章寇李金除翰林學士

制誥兼侍讀因陳聖王之學以明理正心爲萬
事之綱上亟稱善拜同知樞密院事兼叅知政
事因言汪應辰陳良翰張栻學行才能皆所不
逮願亟召用又奏除福建鹽鈔歲額二萬罷江
西和糴及廣東折米鹽錢蠲諸路累年逋負金
錢穀帛巨億計龍大淵曾覲旣被逐大淵歿上
憐覲欲還之琪極言其不可命遂止未幾坐論
王琪與祠陳俊卿言琪正直有才願留之詔改
知隆興府江西安撫使陞辭獻六事上曰卿雖
去國不忘忠言行召卿矣除資政殿大學士知
荆南府湖北安撫使以繼母憂去有旨起復同
知樞密院事判襄安撫使詔凡六下琪六上疏
引經據禮懇辭服闋再除知潭州湖南安撫使
疆吏告茶賊數千人入境琪曰此非必死之寇
緩之則散而求生急之則聚而致死揭榜諭以
自新盜果散去誅首惡數十人餘隸軍籍淳熙
二年移知建康府江東安撫使行軍畱守會水
旱首奏獨賦稅設法賑貸闔境無一人捐瘠流

徙者進觀文殿大學士疾革草遺奏上言近習
用事之弊且薦陳俊卿張栻可用言不及私又
手書與張栻朱熹訣以未能雪國恥爲恨卒年
五十九贈光祿大夫謚忠肅瑛精明果斷能受
人盡言所至民愛之如父母聞訃有罷市巷哭
相與祠之者

吳玠字晉卿崇安人少沉毅知兵善騎射未冠出
隸涇陽軍遂爲德順軍人累立戰功遷忠州刺
史宣撫處置使同鄉劉子羽薦玠兄弟才勇於

建寧府志

卷之二十九

名臣

二十八

三百二十六

在

張浚浚與語大悅玠授統制璘掌帳前親兵建
炎中金師婁宿人寇軍彭源店玠擊敗之金復
整衆戰玠不利退保和尚原或請屯漢中以保
蜀玠曰吾堅壁重兵下瞰雍甸敵懼吾躡其後
此所以保蜀也紹興初金將浚立烏魯折合分
道約襲和尚原玠璘孤軍駐原上有謀劫之北
去者玠召諸將誓以忠義衆皆感泣爲備益力
敵竟不得合遷明州觀察使金憤玠特甚乃糾
諸道兵造梁跨渭結連珠營爲必勝計玠選勁

弓強弩更戰迭射絕金餉道度其困且走仍發
神坐伏兵殲之敵潰兀木僅以身免逾年再謀
內寇守臣劉子羽招玠入援玠日夜馳三百里
以黃柑遺敵撒離大驚曰吳侯來何速耶遂大
戰饒風嶺相持六晝夜敵挫甚將兵引歸會玠
叛校導其由間徑斷玠歸路軍始不支乃按師
趨西縣分屯固守以遏其氛敵亦隨遁四年春
兀木進攻鐵山循關東下先是玠于關右築殺
金平嚴兵以待敵至玠璘併力夾攻敵遂憊又

建寧府志

卷之九

雜

五

三百十八

在

擁雲梯藉城玠用火砲撞竿破之敵技竟窮詰
朝環西北樓繼以火攻姚仲登樓酣戰旋即撲
滅玠援孤奮擊射金將韓常中其目遂宵遁捷
聞授川陝宣撫副使及拜檢校少師奉寧保定
軍節度使仍賜以所御戰袍器甲親扎褒勞玠
感奮益謀守禦遂于關外調戍屯田治褒斜廢
堰流移歸業者數萬家敵平帝嘉玠功特進封
爵而玠病已不可爲矣玠善讀史有所得輒錄
置座右積久墻牖皆格言也用兵本孫吳務遠

畧不求近小利故能保必勝御下嚴而有恩卒
伍得以情達與人交以義相終始太傅劉子羽
爲異議所傾玠力請于朝至解兩鎮節以贖士
大夫至今多其義云官至檢校少師開府儀同
三司靜難軍節度使川陝宣撫使益武安立廟
于仙人關賜額曰忠烈

吳璘字唐卿崇安人玠之弟也在婁甫七月而生
稍長好騎射從玠攻戰積官至閣門宣贊舍人
紹興初箭筈關之戰與和尚原之守斷金兵拒

建寧府志

卷之五

名臣

三

三十一

兀木璘功居多歷遷榮州防禦使四年兀木擁
兵寇關璘自武階轉戰入援密謀繕隘固守拒
諸將移守議奮怒血戰金復大敗自是不敢窺
蜀者數年露布以聞尋除秦鳳經畧安撫使已
而金人尋盟邊徼撤警宜撫胡世將欲廢守仙
人關璘謂金屯河東疾馳可五日至川口若棄
關不葺糧運斷絕緩急將何恃諜聞果如璘說
乃戒諸將無得弛備未幾敵渡河入長安趨鳳
翔軍果不能亟集孫渥欲退保仙人原璘折之

遣姚仲扼于石壁大敗其師十一年金軍劉家
圈其將胡蓋習不祝素老於兵且據險自固璘
揣其情術枚涉渭宵掠金營敵驚怖歿戰璘以
疊陣法敗之降其衆萬餘蓋匿臘家城璘亟擊
垂破會詔遣班師世將浩歎而已三十一年西
元帥合喜攻大散關師犯黃牛堡璘遣將破其
師遂拔秦州地擒僞守蕭濟威振敵軍爭以城
降拔大散關及和尚原仍遣姚仲與其子挺取
德順軍金悞甚號曰東南天兵璘力疾視師投

建寧府志

卷之二十九

名臣

三

三百三十四

在

戈轉鬪入其城父老擁馬迎拜幾不能行孝宗
立賜札褒勞進陝西河東宣撫招討使璘策金
必再至築褒東山以守金果悉力來攻殺傷甚
衆竟不能克邊陲自是安堵人稱爲西北萬里
城乾道初召對便殿慰諭懇篤詔朝德壽宮上
皇諭曰卿與朕老君臣也及還鎮兩宮宴賜優
渥上皇解佩刀賜之曰異時思朕視此可矣復
移漢中開府未幾疾作先期有大星隕于營至
是璘薨官至太師新安郡王追封信王謚武順

璘剛勇喜大節畧苛細讀書通大義代兄守蜀
垂二十年隱然爲方面之重威名亞于玠嘗著
兵法二篇上篇兵要下篇陣圖知兵者取焉子
挺世其官

吳挺字仲烈崇安人璘之子也以門功補官從璘
爲中卽將部西兵詣行在高宗問西邊形勝與
戰守事宜挺占對稱旨超陞右武卽浙西都監
兼御前祗候賜金帶尋改統制紹興間金人渝
盟璘總兵往禦挺奮矛出戰遂復秦州旣而金

建寧府志

卷之二十九

名臣

三

三百十八

在

叛將張中彥整兵復至與南市城賊相爲犄角
轉戰竟日挺令前軍梅彥摩衆據城歾戰自率
一軍易黃旗繞出敵後憑高突至敵譁曰黃旗
兒至矣遂驚敗乃讓其功于彥士頗多之擢榮
州刺史尋拜熙河安撫使明年與都統制姚仲
攻德順軍金空平涼之衆以援又遣精銳扼鳳
翔仲駐六盤挺獨趨瓦亭冒矢石操短兵奮鬪
盡奪其馬金遂潰擒其千戶耶律九斤孛堇等
百三十人金懲前劔乃悉兵趨德順挺預擇要

害治夾河戰地以俟誘敵至以盛兵蹙之敵竟遁挺憂鞏州久不下乃選鋒至城拒衆議擊東南陬破之以功授團練使進郢州防禦使已而金再爭德順軍其帥引騎數千晚東山挺迎擊遂據東山築堡以守金乃匿戰士大車中將墮以進挺復掄大木植中道車不得前遂卻拜武昌軍承宣使尋改熙河經略安撫使會朝主和議奉詔班師乾道三年以父命入奏拜侍衛親步軍指揮使挺力陳不當輕變祖宗法度遂

建寧府志

卷之二十九

名臣

三

三百三十四

示

寢拜主管侍衛步軍司公事挺每燕見論兩淮曠漫備多力分宜擇勝地扼以重兵敵仰攻則不克越西南又不敢我以全力乘其弊蔑不濟矣帝嘉納改興州都統拜定江軍節度使軍中自置互市於宕昌以來羗馬又奏立十軍以聯屬諸郡營部并如西路騎兵遂雄天下淳熙四年入覲除知興州利州西路安撫使特加檢校少保成州西和歲大祲挺分軍儲力爲賑恤全活數千萬人又增郊堡繕戎器築堤以捍東北

二谷水民賴以安光宗手札褒勞且詔問安邊
急務挺疏增儲策以復糧餉遂充紹興四年春
引疾致仕加大尉卒贈少師開府儀同三司挺
少起勲閥不矜貴盛禮賢下士雖小官賤吏不
敢怠忽拊循將士人人懷恩璘故部曲展拜庭
下輒降階答之稍失律誅治無少貸璘嘗對孝
宗曰諸子中惟挺可任孝宗亦曰挺是朕千百
人中選者歲時問勞不絕被遇渙厚光宗每賜
內府珍奇以示殊禮嗟夫若挺者可謂孝以承

建寧府志

卷二十九

名臣

三十四

承

家忠以衛國者歟

黃震字伯起浦城人進士及第累遷著作佐郎通
判遂州嘗給兩川軍士緡錢詔至西川而東川
獨不及軍士謀爲變震白主者曰朝廷寧忘東
川詔書稽畱爾卽開州帑給錢如西川衆乃定
明日而詔至累遷尚書都官員外郎提點湖北
路刑獄還判三司磨勘司擢江淮發運使先是
李溥自三司小吏爲發運使十餘年姦贓狼藉
丁謂黨之無敢言者震將行上書自陳辭頗

激真宗知震意在溥諭震曰卿與人處當以和爲尙震曰敢不奉詔第不敢和同負陛下者耳既發溥姦賊數十事溥坐廢而震亦爲溥訟奪一官罷謂貶復官知饒州徙廣東轉運使廣南進異花數千本至都下枯歿者十八九震奏罷之震在真宗朝數論事既卒詔進官一等子瑊曾孫蕢

章得象字希言浦城人世居泉州高祖仔鈞以戰攻守三策授王審知審知命爲將戍浦城遂家

建寧府志

卷之二十九

名臣

五

三百二十

木

焉得象身體長大語聲如鐘咸平五年進士及第爲大理評事知玉山縣遷大理寺丞歷知台州南雄州徙洪州楊億以公輔器薦之未幾召試爲史館安撫京東權三司度支判官累遷尚書刑部郎中使契丹遂以兵部郎中知制誥踰年爲翰林學士遷右諫議大夫以給事中爲群牧使遷戶部侍郎遂拜同中書門下平章事集賢殿大學士仁宗謂曰向者太后臨朝群臣邪正朕皆默識之卿清忠無所于附今日用卿職

此也陝西用兵加中書侍郎兼工部尚書兼樞密使辭所加官明年以工部尚書爲昭文館大學士慶曆五年拜鎮安軍節度使同平章事封鄒國公徙判河南府守司空致仕卒贈太尉兼侍中諡文憲皇祐中改諡文簡得象在翰林十二年憲章太后臨朝宦官方熾太后每遣內侍至學士院得象正色待之或不交一言在中書八年宗黨親戚一切抑而不進然徒以簡重鎮止浮競而已他無所建明至其渾厚有容喜薦拔人天下終以爲長者

建寧府志

卷之二十九

各臣

三十六

禾

楊偉字子奇浦城人幼學於億天禧元年獻頌召試學士院賜進士及第以試秘書省校書郎知龍游縣再補蘄州錄事叅軍國子監薦爲直講辟簽書鎮寧軍節度判官事遷大理寺丞知河間縣再遷太常博士用近臣薦爲集賢校理通判單州會巡簡部卒李素合州卒二百餘人謀殺巡簡使入鼓角門州將不敢出偉挺身往問若何反俱曰非反也將有訴于州偉曰持兵來

何非及若屬無父母妻子乎悉令投兵籍首惡
斬之徙知祥符提點開封府界諸縣鎮公事權
開封府判官又判三司開折司累遷尚書兵部
員外郎同修起居注常執小笏以朝知制誥缺
中書以偉名進仁宗曰秉小笏者耶遂命知制
誥權諫院遷刑部郎中爲翰林學士祀明堂遷
右司郎中判太常寺爲群牧使兼侍讀學士進
中書舍人卒贈尚書禮部侍郎

吳育字春卿浦城人與其弟京方同年舉進士試

建寧府志

卷之二十九

名臣

二十七

三百七

子

禮部第一遂中甲科而京方皆及第當是時吳
氏兄弟名聞天下除大理評事知臨安諸暨二
縣遷寺丞襄城縣秦悼王葬汝州界中其後子
孫當從葬者與其歲時上塚者不絕宗室宦官
常往來爲州縣患育在襄城請凡官所須皆具
成數羊豕悉出大官繇是宦官橫索遂省異時
宗子所過縱鷹犬暴民田入襄城境輒相戒也
舉賢良方正擢著作郎直集賢院通判蘇州還
同知太常禮院奏定禮文名太常新禮慶曆紀

儀改右正言歷三司鹽鐵戶部二判官尋以本
官供諫職元昊僭號遣使上書有不順語朝廷
亟命將出師群臣爭言豎子可誅滅獨育謂元
昊雖名藩臣業已誇僭名號勢必不能自削以
取羞種落第宜示以不足責外置之因而賜號
若國主者彼得其願定不肯妄動時皆以育言
爲不然後師久無功元昊亦歸過自新朝廷卒
以爲夏國主議者始悔不用育言而虛敝中國
除同修起居注遂知制誥進翰林學士累遷禮
部郎中契丹與元昊構兵元昊求納款契丹來
請勿納朝廷未知所答育言契丹受恩爲日已
久不可納一叛羗失繼世兄弟之好宜使人諭
元昊曰契丹汝世姻也一旦自絕力屈歸我我
之所疑若無他者當順契丹如故然後許汝歸
款告契丹曰已詔元昊如能投謝轅門卽聽內
附若有堅拒當爲討之如此則彼兩無辭矣於
是出契丹書令兩制同上對不易育議尋知開
封府曰吾何有以及斯人去其害者而已矣

數日發大吏一人流嶺外又得巨盜積贓萬餘緡獄具輒再變帝遣他吏按之卒伏法繇是京師肅清慶曆五年拜右諫議大夫樞密副使頃之改參知政事育在政府遇事敢言與宰相賈昌朝數爭議上前左右皆恐色變育論辨不已乃請曰臣所辨者職也顧力不勝矣願罷臣職顧仁宗多直育乃復以爲樞密副使居歲餘賈昌朝罷去御史中丞高若訥用洪範言大臣廷爭爲不肅故兩不時若因并罷育以給事中知

許州徙蔡州京師有告妖人千數聚確山者詔遣中使馳至蔡以名捕十人使者欲得兵自往取之育曰育在此雖不敏安有聚千人境內而不知者卽信有之以兵往是趣其爲亂也此不過鄉人相聚爲佛事以利錢財耳乃餉使者日與飲酒而密遣人名十人者皆至送京師告者果伏辜拜資政殿學士知河南府兼西京畱守司又徙陝府遷禮部侍郎徙永興軍丁父憂去官起復懇請終喪服除兼翰林侍讀學士以疾

辭且請便郡遂以知汝州久之又辭以疾卽以
集賢院學士判西京雷司御史臺疾少間復知
陝府加拜資政殿大學士仁宗數爲大臣言吳
育剛正可用復召還判尙書都省居一歲諫官
劉瑜誣奏育在河南嘗貸民出息錢除宣徽南
院使鄜延路經畧安撫使判延州夏人旣稱臣
並邊種落數侵耕爲患龐藉守并州欲築柵白
草以備之育謂要契未明而墜城則羗人必爭
爭而受患者必麟府也移文河東又遺籍手書

建寧府志

卷之二十

名臣

四

三百三十四

子

及疏於朝不報已夏人果犯河外殺驍將郭恩
籍與將校數十人皆以此得罪麟府遂警復疾
作辭不任邊求解宣徽使復以資政殿大學士
尙書左丞知河中府徙河南卒贈吏部尙書諡
正肅育明敏勁果疆學博辨能自忖度不可守
不發已發莫能奪方待問以列卿奉朝請父子
在廷士大夫以爲榮而育蹶蹠不安自言子班
父前非所以示人以法顧不敢以人子私亂朝
廷之制願得罷不聽朝廷數推恩群臣子弟育

每先及宗族疎遠者至其卒子孫未官者七人
有集五十卷尤長議論其在西臺與宋庠相唱
酬追裴白遺事至數百篇始育之祖皆塋浦城
至育始塋其父於新鄭遂居新鄭

吳克字冲卿浦城人舉進士調穀熟簿入爲國子
監直講吳王宮教授等輩多與宗室狎克齒最
少獨以嚴見憚嘗作六箴以獻仁宗命繕寫賜
皇族英宗在藩邸書之坐右除集賢校理判吏
部南曹選人胡宗堯者翰林學士宿之子坐小

建寧府志

卷之二十九

名臣

四十一

三百四十四

全

累不得改京官判銓歐陽修爲之請仇家譖修
黨宿詔出修同州克願與修同貶於是修得復
留而克改知太常禮院以忤執事意出知高郵
軍還爲群牧判官開封推官歷知陝州京西淮
南河東轉運使英宗立數問克所在會入覲語
其爲王宮教授時事嘉勞之尋權鐵鹽副使熙
寧元年知制誥神宗曰先帝知卿久矣遂同知
諫院河北水災地震出爲安撫使使還以子安
持爲王安石壻引嫌解諫職知審刑院權三司

使爲翰林學士三年拜樞密副使八年進簡校
太傅樞密使克雖與安石連姻而心不善其所
爲數舉政事不便者爲神宗言之安石去神宗
察克中立無與遂代爲同中書門下平章事監
修國史克乞召還司馬光呂尤著韓維蘇頌及
薦孫覺李常程顥等數十人王珪與克並相忌
克而克素惡確確治相州獄捕安持及親屬官
吏考治欲鈎致克語神宗獨明其亡他及確預
政克與議變法於前數爲所誑安南師出無功

建寧府志

卷二十九

名臣

聖

三百五十五

全

知諫院張璪又謂克與郭逵書止其進兵復置
獄克旣數遭同列困毀憂畏疾侵元豐三年春
輿歸第罷爲觀文殿大學士西太一宮使踰月
卒贈司空兼侍中諡曰正獻克內行修飭事兄
甚謹爲相務安靜性沉密對家人語未嘗及國
家事所言於上人莫知者將終戒妻子勿以私
事干朝廷神宗益悲之子安詩安持安詩在元
祐時爲諫官起居卽安持爲都水使者遷工部
侍郎終天章閣侍制

詵字樞言浦城人天性孝友廉財利通判越州
民患苦衙前役詵科別人戶籍其當役者行偏
役法知襄邑縣擢夔州轉運判官以建撫瀘夷
地加直集賢院改陝西轉運副使召對神宗面
諭曰朕每閱章奏卿與蔡挺有所論請使人了
然及入辭賜服金紫明年直龍圖閣知秦州前
此將吏貪功多從羗地獵射因起邊患詵至申
令毋犯得一人斬諸境上群羗感悅遷天章閣
待制知熙州董氊遣鬼章逼岷州詵迎戰破之
飭願以歲月圖功累官正議大夫

章衡字子平浦城人父訢潤州長史衡嘉祐二年
進士第一通判湖州直集賢院改鹽鐵判官同
修起居注上言三司經費之弊三司使忌之

知汝州徙潁川熙寧初還判太常寺時方議祫廟之制衡請尊禧祖爲始祖而次祧順祖以合子爲父屈之義復推禧祖侑感生之祀而配宣祖配位以合祖以孫尊之義復言自唐開元纂禮書以國卹一章爲豫凶事刪而去之故不幸遇事則摺摭墜殘茫無所據今宜爲原陵集禮以遺來世從之出知鄭州奏罷原武監牧地四千二百頃以予民復判太常知審官西院使遼燕射連發破的遼人禮待有加嘗纂編年通載

建寧府志

卷之二十九

名臣

四

三百四十四

至

上之神宗謂可冠冕諸史且念其嘗先多士進用獨後面賜三品服判吏部流內銓嘗有員缺旣擬注而三班院輒用之及訟吏部宰相主其說衡連疏與辯至訴于御前神宗命內侍偕至中書宰相見之怒衡曰衡爲朝廷法耳以狀上請面視之相悟曰若爾吏部是矣乃罪三班尋拜寶文閣待制知潭州神宗曰卿爲仁宗朝魁甲寶文藏御集之處未始除人今以處卿衡拜謝元祐中加集賢院學士復以待制知揚廬宣

穎諸州卒年七十五

章棗字質夫浦城人以叔得象蔭爲孟州司戶參軍應舉入京聞父對獄于魏棄不就試馳往直之還試禮部第一擢知陳畱縣歷提舉陝西常平京東轉運判官提點湖北刑獄成都路轉運使入爲考功吏部右司員外郎元祐初以直龍圖閣知慶州時朝廷戢兵戒邊吏勿妄動且捐葭蘆安疆等四砦予夏使歸其永樂之人夏得砦益驕棗言夏嗜利畏威不有懲艾不得休息宜稍取其土疆如古削地之制以固吾圉然後諸路出兵擇據要害不一再舉勢將自蹙矣遂乘便出討以致其師夏果入圍環州棗用間知之遣驍將折可適伏兵洪德城夏師過伏兵識其母梁氏旗幟鼓譟出斬獲甚衆又預毒於牛圈豬水夏人馬飲者多歿召權戶部侍郎明年除知同州紹聖初知應天府加集賢殿修撰知廣州以禮化俗日與學士諸生講論經典士人翕然稱之徙江淮發運使哲宗詔以邊事對合

旨命知渭州至卽上言城胡蘆河川據形勝以
逼夏乃以三月及熙河秦鳳淮慶四路之師陽
繕地他堡壁數十所自示其怯而陰具版築守
戰之備帥四路師出胡蘆河川築二城于石門
峽江口好水河之陰二旬有二日成賜名平夏
城靈平砦方興役時夏以其衆來乘柰迎擊敗
之既而還慶鄜延河東熙河皆相繼築城進拓
其境夏人聘視不敢動夏主遂奉其母合將數
十萬兵圍平夏疾攻十餘日建高車臨城填塹

建寧府志

卷二十九

名臣

四六

三百三十八

全

而進不能克一夕遁去柰謀其弛備遣折可適
郭成輕騎夜襲直入其帳執其統軍監軍之勇
悍善戰者盡俘其家擄馘三千餘牛羊十萬夏
主震駭哲宗爲御紫宸殿受賀累擢柰樞密直
學士龍圖閣端明殿學士進階大中大夫夏自
連創之後不復能軍屢請命乞和哲宗亦爲之
寢兵徽宗立請老徙知河南入見畱拜同知樞
密院事俾其子緯爲開封推官以便養踰年力
謝事罷授資政殿學士中太乙宮使未幾卒徽

宗悼之贈右銀青光祿大夫諡曰莊簡

黃寔字公是浦城人熙寧六年進士累官至京東河北轉運副使哲宗以寔久爲監司議召用爲曾布林希所沮出知陝州爲江淮發運副使賀遼主登位及境迂者移牒來稱爲賀登寶位使寔報以受命無寶字拒不受還除太僕卿再擢寶文閣待制知瀛州徙陳州朝旨籍民兵旁郡黃緣擾困寔懷檄不下而畫其利害請之事得寔卒于官贈龍圖閣直學士寔孝友敦睦蘇轍在陳與寔遊因結婚其後又與軾友善紹聖黨禍起寔以章惇甥獲免然寔未嘗附惇亦不得久于朝焉

周常字仲修浦城人第進士補國子直講太常博士以養親求教授揚州年未五十卽致仕久之御史中丞黃履薦其恬退起爲太常博士辭元符初復申前命起兼崇政殿說書遷著作佐卽疏言諸陵器物舊用塗金服飾又無珠玉自裕陵至宣仁后寢宮乃施金珠願收貯景靈殿以

遵祖宗儉質遺訓詔置之奉宸庫擢起居舍人
鄒浩得罪常於講席論救貶監郴州酒徵宗立
召爲國子祭酒起居卽從容言自古求治之主
未有不尙志爲先溺于富貴逸樂蔽於諂諛順
適則志隨以沓不可不戒元祐法度互有得失
人才各有所長不可偏棄時以天暑令記注官
卯漏正卽勿奏事仍且爲令常言本朝記注類
兼諫員故凡言動得以所聞見論可否神宗皇
帝時脩注官雖不兼諫職亦許以史事於崇政
進對著爲定令則必記于日錄傳之史筆後人
觀之將以爲倦于聽納忘先帝美意矣事遂寢
進中書舍人禮部侍郎蔡京用事不能容以寶
文閣待制出知湖州尋奪職居婺州復集賢殿
修撰卒

黃輔國字應圖浦城人轍之子元豐八年進士任
青州司理調浮梁縣主簿以樞密章劾奏辟爲
南海令改宣德卽知高郵縣淮右旱蝗極力賑

濟活饑民數萬帥漕列薦授樞密院編脩官又以大臣薦除右正言累遷右司諫知無不言上方留意學校輔國建議令諸州縣皆置學以均試補之法提學官不用本路人以絕請謁之私鎖院謄錄以嚴試士之令考績黜陟以重學士之職立射廳于辟雍頒射法於天下皆著爲令除起居舍人命看詳元祐以來臣僚章奏籍爲奸黨輔國不奉詔遂改中書舍人直學士院尋出知袁州江寧府落職知光州大觀初知福全

二州後以給事中召而輔國已不起卒年四十七追贈大中大夫有文集五十卷

周武仲字憲之蒲城人第進士歷知浙川縣遇事刃解邑以大治政和中累薦擢監察御史宣和二一年有言淮南連歲荒旱饑民相食常平使者坐視不救徽宗大怒詔武仲察訪賑濟將行武仲登對陳八事徽宗一一開允及付中書執政竟從其四而已人或謂曰執政不盡用公疏意可見已淮南監司郡守皆出權倖之門諸凡財

用又多供應御前爲名公其慎之武仲曰吾
趨時顧避愛一御史輕兩路生靈哉卽檄監司
州縣問民疾苦悉推行所以賑濟者宿守吳壽
寧聞武仲且至今諸門毋納饑民遂至城外僵
屍縱橫悉差公吏穴地藏之第申境無饑民真
守蘇之悌夜遣伏兵逼饑民載之江中洲上悉
皆致歿二守並宦官腹心專以進奉花石珍禽
爲務旁連漕使孫點雄視江淮間武仲並劾奏
之繇是官吏風靡兩路民全活無數而所劾二

建寧府志

卷之二十九

名臣

五

三十一

美

守造爲飛語以動朝廷遂有旨促疾赴闕更不
賑濟使還請對閣門宦官怒之沮抑百端卽上
章乞外補除權知常州會常州係高麗使經繇
郡守臣例賜對徽宗因問淮南事武仲從容陳
之徽宗乃悟畱武仲不行除尙書比部員外郎
遷右司員外郎假太常少卿接伴大遼賀正旦
使時途使耶律懷義畱嗣卿皆猶也武仲一見
開懷待之然與語未嘗有假借舊例國信私覲
皆售偽濫物武仲悉用精好酬應甚悅服及對

徽宗褒賞再三且諭以將來送伴如有合理會
事可一一憑內侍奏來武仲遲疑頃之徽宗卽
曰卿識鄧文誥否武仲徐奏云臣起踈賤於今
內臣中無有半面之交者徽宗嗟嘆良久使還
差殿試初考官進士對策間有言極切直者有
例欲指爲謗訕取旨武仲云今盜起東南正國
家求言之時可加此名自吾儕始遂改謗訕二
字爲涉異奏之宰相王黼建應奉司武仲知黼
不可盡言姑欲警以利害造黼問焉黼云比以

中官領供應者不一凡物旣不可考覈而騷擾
已倍故總以一司武仲曰相公不嫌以論道之
任下領有司意則美矣第恐外庭旣行之北司
仍復干預則用度將愈無算而騷擾又倍前日
是使中官得爲辭而相公獨受其弊也黼變色
曰理或如此然掌九式九貢正周官冢宰之職
繇是不悅是冬復假太常少卿克賀大遼正旦
國信使還觀河朔軍政不修將士驕慢因使畢
賜對上疏論之徽宗嘉納賜五品服擢侍御史

先是王黼採武仲察訪淮南之譽意欲援之從班後以其議論不附已屢奏出爲河朔漕使惟徽宗察武仲忠直故任以言責武仲數上章言事毋對欵盡既退徽宗常目送之累欲擢爲諫議大夫皆爲王黼所梗四年冬金國遣泛使來更除顯謨閣待制克館伴副使賜三品服又差報聘克國信使先是政和間遣歸朝官趙良嗣繇海道使金約共起兵攻遼許其歲賂銀絹以燕雲地來歸至是金人已盡併契丹故地又西破雲中而宣撫使童貫蔡攸出師纔至蘆溝百萬之衆望風奔潰金人遂據燕城志愈驕悍需索無厭徽宗旣怒貫攸且疑良嗣故特命武仲良嗣見武仲專使懼察其奸力請偕往乃改差克副使旣至見其金國諸貴人恃疆背約欲增歲賂武仲言本朝與貴國初約云何某受命而來除許增二十萬銀絹之外一疋一兩不敢輒專金國諸貴人大怒曰公不望歸耶武仲曰某持節出疆以歿報國分也若失辭而歸將何面

目見主上金國諸貴人拂袖起遣介胄者數十
起坐隨武仲聲言欲拘留之武仲居旬餘談笑
如常金覘其終不可奪因爲改館遣其將領來
見武仲譏之金無以應但曰憑公再請還至雄
州童貫蔡攸懼武仲入見發其誕謾堅留之惟
令馳驛具奏取朝指揮而已武仲因上疏歷言
金國驕悍貪詐前後違約之事於是大忤王黼
意旣而承朝廷指揮前議增二十萬銀絹更不
施行令別以中國所出物計直百萬緡爲賂報

聘禮成與其使楊璞撒毋等同至進徽猷閣直
學士復差館伴撒毋好爲大言一日出語尤不
遜武仲正色曰使者勿謂本朝昨蘆溝小失利
遂有輕心堂堂大國若遇倉猝忠臣義士不爲
無人金又言國書內何不便稱大金皇帝尊號
及將雲中別作一事目當奏改之武仲曰國書
出自聖裁一字不可移易撒毋云如此則將去
不得武仲曰遣使報聘此自是本朝使副將去
何預汝也當武仲與金爭聲聞館外徽宗知之

屢論王黼令再報聘黼多端沮抑遂差盧益
國信使以武仲克送件使還除尙書刑部當國
信結局同僚並轉三官進職三等武仲不爲王
黼所悅止遷直學士而已徽宗素知武仲每加
任用在刑部供職纔九日擢御史中丞特封文
安縣開國男食邑三百戶入對首舉臯陶戒舜
屢省乃成之說徽宗悟其旨因稱武仲雄州所
上疏武仲奏曰今惟當修政事以待之耳徽宗
澘然之武仲因疏論蘆溝致敗之繇皆童貫蔡

建寧府志

卷之五十九

名臣

五十四

三百零八

美

攸不能節制諸軍而屬官李宗振統制王稟其
罪爲大乞重加竄責章三上方施行童貫歸自
河朔徽宗俾致仕貫復用太師豫國公名號遍
檄陝西河東經畧司武仲復劾奏之其他朝政
失當論列無隱徽宗亦言無不從顧武仲所彈
擊皆將相權倖或其親密雖宸眷益厚怨仇實
多差殿試詳建官除兼侍讀上疏乞外薦楊時
自代徽宗曰朕得卿來聞所未聞豈可輕去
復起童貫宣撫三路貫偃蹇出不遜

一教諭乃曰臣昔平燕之時不能取信于陛下
致使周武仲乘間攻臣今若武仲仍任言路臣
終不能成功徽宗不得已罷武仲御史中丞以
本官提舉亳州明道宮遇赦得右文殿修撰貫
復誣奏武仲使金時與趙良嗣結爲死黨及爲
中司無一言及之徽宗重違貫意復落職黃州
居住欽宗登極復官高宗卽位除吏部侍郎疏
言當以固結人心爲本計艱難之際宜慎舉動
不可輕妄高宗深然之因宣取雄州之疏徧示

建寧府志

卷之五

名臣

五

三百二十六

美

大臣稱其有理大駕南幸扈從至揚州擢刑部
尙書兼侍讀遷吏部尙書時金兵稍息上下偷
安武仲請對引孟子國家閑暇之言請詔二府
大臣條天下事取其大且急者深謀熟講果斷
而力行之高宗方虛心倚佇而武仲謁告不復
趨朝矣高宗謂大臣曰當今人才如周某者未
見其比降旨賜寬假將理而武仲求去益堅除
龍圖閣學士提舉江州太平觀尋轉朝請大夫
致仕尋卒特贈官予恩澤武仲剛方端慤粹雅

疎通識量過人不爲事物遷動其於經術務究
大旨至諸子百家莫不該洽留心翰墨得歐陽
率更筆法

章誼字宜叟浦城人舉進士補懷州司法叅軍歷
漳台二州教授杭州通判建炎初陳通寇錢塘
城閉部使檄誼聚七縣弓兵以張聲勢會王淵
討賊誼隨淵得人城賊平旋加撫定高宗幸臨
安苗劉爲變出御樓宰臣百執事咸在人心恟
恟高宗問群臣曰今日之事何如浙西安撫司

建寧府志

卷之三五

名臣

五

三百五十五

庚

主管機宜文字時希孟輒曰乞問三軍誼越班
斥曰問三軍何義若將鼓亂耶希孟却立屏息
高宗嘉之事定竄希孟吉陽軍遷誼一秩擢
部員外郎奉使二浙貿易祠牒以濟軍用以稽
遲罷未幾召爲駕部員外郎遷殿中侍御史獻
戰守四策謂有江海必資舟楫戰守之具有險
阻必資郡縣防守之力有兵將必駕馭撫循不
可爲將帥自衛之資有糧賦必漕運轉輸不可
爲盜賊侵據之用詔問保民弭盜遏寇生財之

策誼對去奸貪殘虐之吏則民可保用循良廉
平之吏則盜可弭得折衝禦侮之臣則寇可遏
得掌財心計之臣則財可生凡此四者在任人
不在任法詔集義明堂配享胡直儒等請合祭
天地而以太祖太宗配誼言稽之經旨則未合
參之典故則未盡施之事帝則未爲簡嚴國家
既以太祖配天於郊比周之后稷則太宗宜配
帝於明堂以比周之文王紹興二年除大理卿
宰相奏知平江府高宗曰誼儒者賴其奏讞平

建寧府志

卷之五十九

名臣

五十七

三百三十四

季子

恕使民不冤勿令補外尋除權吏部侍郎改刑
部侍郎兼詳定一司勅令遷徽猷閣直學士樞
密都承旨四年金遣李永壽王翊來求還劉豫
之俘及西北人在東南者又欲畫江以益劉豫
時議難之欲遣大臣爲報使叅政席益以母老
辭薦誼爲代高宗曰誼母亦老朕當自諭之誼
聞命略無難色遂加龍圖閣學士克軍前奉表
通問使給事中孫近副之誼至雲中與粘罕兀
室論事不少屈金人諭亟還誼曰萬里啣命

迎兩宮必俟得請金人乃令蕭慶授書并以風聞事責誼誼詰其所自金人以實告乃還至南京劉豫留之以計得歸高宗嘉勞初誼使金戒其家人勿使母知將行告母曰是行不數月即歸大似往年太學謁告時爾至是還母不知誼使金也擢刑部尙書冬高宗親征王師大捷於淮陰誼扈從還臨安遷戶部尙書五年以疾請郡除龍圖閣學士知温州適歲大旱斗米千錢誼用劉晏招商之法置場增直以糴米商輻輳其價自平部使者以狀聞詔遷官一等六年移守平江時將臨幸供億繁夥誼處分悉當召對賜帶笏高宗曰不足償卿可母謝明年移躡建康復爲戶部尙書奏言營田之策七年帝還臨安以爲端明殿學士江南東路安撫大使知建康府兼行宮畱守未幾提舉亳州明道宮代還卒謚忠恪誼寬厚長者爲臺官言事持大體立朝奏疏無慮數十百篇皆經國濟時之策

黃緩字用和浦城人從楊龜山學甚見器重及爲

工曹守將高其才多委以事適諸邑大水按
官希部使者多不以實聞緩獨減放蠲田租十
之八使者怒緩占答詳雅卒如初請再調西安
丞靖康初李綱宣撫河東辟幕屬高宗朝拜監
察御史首陳七事淡蒙嘉納一日問孟子與齊
梁國君問答之說緩對詞義敷暢高宗曰卿可
謂非堯舜之道不陳王前因諭曰黃緩論人君
治心事甚詳當處以諫職會有沮之者除江西
提點刑獄力求奉祠卒緩在臺越月風節凜然
史篤論共二十卷

建寧府志

卷之十九

名臣

五十九

三百二十八

季

縉紳推賢天下誦直有奏議雜著論語類觀唐
徐應龍字亢叔浦城人累調湖憲司簡法官與提
刑盧彥德爭劫盜獄獄盜獲生改知高安縣呂
祖儉以言事忤韓侂胄謫歿經紀其喪爲文誄
之有勸之避禍者應龍曰呂吾所敬緣此譴死
無所恨遷知南恩州秩滿陳自強當國故與應
龍同舍諭欲留之應龍不答丐雷州而去部使
者交章上最召監行在都進奏院累遷國子祭

酒兼崇政殿說書天早上言請烹桑弘羊乃雨
除秘書監累遷刑部尙書兼侍讀屢指陳時政
一日讀吳起爲卒吮疽事奏曰起卒如此故能
得其死力今將軍得以賄遷專事培克安望濟
乎理宗驚曰債帥之風猶未除耶宰相史彌遠
聞而惡之改兼太子詹事力乞奉祠逮歸奏乞
立皇子曰高宗謂太祖艱難得天下而子孫不
得居天位遂以孝宗繼大統三傳至陛下皆太
祖子孫今陛下當於太祖後擇人徙吏部尙書

建寧府志

卷之三九

名臣

六

三百三十四

季

以煥章閣學士提舉嵩山崇福宮卒贈開府儀
同三司謚文肅累贈太師魏國公子榮叟清叟
詹體仁字元善浦城人金人渝盟往見張浚論秘
計浚辟爲屬體仁從朱熹遊登隆興元年進士
調浮梁尉郡上體仁獲盜功狀當賞體仁曰以
是受賞非願也累官太常少卿陛對時上久不
過重華宮體仁首陳父子至恩引易睽孤之義
以開廣聖意孝宗崩體仁率同列抗疏請駕詣
重華宮親臨祥祭辭意懇切時趙汝愚將定大

策外庭無預謀者密令體仁及左司郎官徐誥
達意少保吳琚請憲聖太后垂簾爲援立計寧
宗登極與有力焉時議孝宗謚體仁抗議宜謚
曰孝卒用其言又言永阜陵地勢卑下非所以
妥安神靈與宰相異議除太府卿尋直龍圖閣
知福州言者竟以前論山陵事罷之起爲直龍
圖閣知靜江府閣十縣稅錢一萬四千蠲雜賦
八千移守鄂州除司農卿督湖廣餉事歲凶以
便宜發廩賑救而後以聞韓侂胄建議開邊體

建寧府志

卷之二十九

名臣

十一

三百三十五

季子

仁遺書廟堂言兵不可輕動宜遵養俟時嘗語
真德秀以居官蒞民之法曰盡心平心而已盡
心則無愧平心則無偏世服其確論

徐鳳字子儀浦城人舉進士主漳浦簿未上服所
生父心喪祖母年餘八十請監南嶽廟以養祖
母卒承重服服除教授溫州時年方三十餘渾
然端且重楊慈湖簡謂其可與語道秩滿得國
子監司庫官除吏部架閣又除太學錄遷武學
博士召試除正字未幾兼翰林權直遷校書郎

又爲郎秘書內直如故以疾請主管華州雲臺
觀居數月起知荆門軍未對留爲宗正丞兼司
封郎官俄兼學士院權直遷將作少監權直院
事兼尙右郎官玉牒所簡討兼國史院編修實
錄院簡討遷秘書少監以疾請外直顯謨閣知
贛州疾革請致仕直寶文閣進一秩卒所著內
制十卷十箴一卷文集二十卷鳳凱樂和易蘭
郁玉溫浦城自楊億首居翰苑以文章妙天下
鳳文與相差亞乃其所作十箴上自人主以及
宮掖下至公卿大夫規切略徧其巖然山峙見
重朝廷一時稱鳳不以文而以節其始爲太學
錄時浮光敵退或謂其國有內變且力弗支鳳
因對言善爲國者不以敵至而懼敵去而喜犬
羊之性情僞難測逡巡示弱安知非見羸以誘
我恭順請和安知非遷延以款我及爲學士寧
宗給筆札玉堂之廬俾言時政時山東諸豪新
有功未見跋扈狀鳳言蓄毒所以攻疾而施之
常服則元氣必傷虎不縱之山林而豢之家庭

久將噬人矣諸葛亮曰民困兵疲事不得息則
任與行勞費等爾今忠義之徒官供家請不誠
可已盍亦鼓舞歆動之俾常以逐北爲利而不
復懷巢南之安則責望於我者輕矣否則亟行
賈誼衆建諸侯之策爲置部落而少其力力少
則易使以義黨與散則無邪心他所箴砭時病
甚多後六七年李全執制置使殺之又五六年
稱兵及歿揚州鳳言盡驗於是論者又謂鳳之
有治才也第鳳鸞俱有文名鳳仕翰林侍講鸞

建寧府志

卷之二十九

名臣

六十三

三百三十四
季

中書舍人子莘老華老夢發

徐榮叟字茂翁浦城人與弟清叟同舉嘉定七年

進士歷永康令以賑饑得民心召爲太學博士
兼崇政殿說書嘉熙中由左司諫拜右諫議大
夫入對大略言內而京師楮幣不通物價倍長
米運多阻粒食孔艱外而郡邑征歛繁急刑法
苛濫甚者巨室武斷鄉閭豪宗侵牟民庶民安
得而不怨又言朝廷當以節義勵士夫則緩急
必無求生害仁之事遷權禮部尙書兼吏部

端明殿學士僉書樞密院事淳祐初叅知政事
李韶與宰相議不合求去榮叟爭之不得因求
俱去除資政殿大學士奉祠御書橋坡二大字
賜之卒謚文靜所著有緝熙講議諫垣存藁西
掖代言南宮表箋橋坡雜著

徐清叟字直翁浦城人登進士調太平教授金人
犯宣化制司令州禁采石渡守謀之清叟清叟
曰敵今未至奈何先自推赤子魚腹中守從之
淮民得渡者三萬餘紹興初遷籍田令應詔抗

建寧府志

卷之五九

名臣

六四

三十一
季

章乞爲濟王置後遷太常博士復請厚人倫以
釋群惑惜名器以示正義因人望以進人才蓋
欲復濟王爵邑抑史彌遠恤典召用真德秀魏
了翁也端平二年除殿中侍御史疏論三漸尤
痛激改太常少卿兼戶部侍郎改工部除廣西
經略福建安撫福州饑貸南劍常平米七千石
旁招福浙米詣諸利賑饑民賴全活不可勝計
累遷端明殿學士僉書樞密院事叅知政事余
玠專制全蜀上欲召未決清叟奏云陛下何不

出不意徑召之上不答復畱身奏云陛下豈以
玠握重兵召之或不至耶玠素失士心必不敢
上遂召玠詔遣余晦代之清叟復論晦素無行
檢不堪重任乞收回成命不聽乞罷政不許竟
不押晦誥勅寶祐三年令民自實田畝清叟爭
曰此秦法不可用如福建二廣湖北尤當少寬
既而江浙民胥言不便上曰自實果擾民遂不
行除資政殿學士提舉洞霄宮景定初依舊職
提舉佑神觀辭陞觀文殿學士知建寧府又固
辭致仕卒贈少師謚忠簡清叟孤忠無附麗無
顧避人目爲殿上虎云

建寧府志

卷之五

名臣

六

三百二十四

子

吳執中字子權松溪人父概進士爲著作卽執中
登嘉祐八年進士同門壻呂惠卿方貴盛不肯
依附以取進浮沅州縣凡三十餘年始提舉河
南常平連徙河東淮南江東轉運判官入爲右
司卽中大觀初擢兵部侍郎進御史中丞言府
寺監務官陞賞太重乞行裁減又論開封府內
侍省京畿秦鳳違法干請詔獎其得風憲體初

蔡京忌張康國故引執中居言路執中乃先坊
京客劉炳宋喬年等帝語執政嘉其不阿上以
星變逐蔡京言者不已執中謂進退大臣當全
體貌于是京不重貶遷禮部尚書論者言執中
黨張商英降知黃州未至落職仍奪一官奉祠
行至高郵卒宣和初追復顯謨閣待制靖康間
加樞密院直學士

陳戩字冲休松溪人大觀進士授鞏州教授改國
子博士兼諸王府記室嘗事高宗于潛邸建炎

建寧府志

卷之五

名臣

六

三十三

子

初轉戶部員外郎遷監察御史從幸江浙時統
制范瓊附苗劉擁兵跋扈戩馳入瓊壘諭以禍
福瓊從命戩入對上喜甚陞太常少卿車駕幸
永嘉又疏論兵將用命則寡可以敵衆宜申嚴
紀律則敵可破也又言諸將各擁重兵將有尾
大之患于是創軍號神武五軍轉給事中疏論
時事五失應詔條具保民弭盜遏寇生財四事
戩奏省徭賦尚本業可以保民聽盜賊自相糾
搃以追捕多少爲守令殿最可以弭盜齒上流

據形勢可以遏敵躬節儉量出入可以生財上
皆納用又論諸將詣政事堂與大臣狎昵紊亂
朝綱恐緩急不爲用以寶文閣待制出知處州
改知明州尋移泉州乞歸卒于家贈通奉大夫
戩娶執中女封永嘉夫人生子鼎字元用紹興
初以恩補將仕郎論秦檜奸猾誤國檜怒曰冲
休兒敢論我耶屏之不用家居二十載召對特
賜進士授監察御史所至有聲

明

建寧府志

卷之五九

名臣

李七

三百十一

三

楊榮字勉仁初名子榮建安人登建文庚辰進士
除翰林編脩太宗入正大統更名榮初建內閣
簡儒臣七人其中專典機務七人者榮及解縉
胡廣黃淮胡儼金幼孜楊士奇也榮齒最少獨
以才見重時國事方殷榮與同列旦夕侍左右
承顧問退治職務且兼稽古纂述之事不虛寸
晷而榮尤勤勵遂遷脩撰數月復進侍講永樂
間屢奉命甘肅計度邊務還奏輒稱旨尋命侍
諸皇孫學及從征瓦剌凡行營有暇卽與皇長

孫講析義理開其聰明遷翰林學士兼庶子十六年高廟實錄成命掌院事益見親密一時廷臣狎恩多縱榮因密言十弊進文淵閣大學士仍兼翰林學士尋扈從北征時三殿災榮偕同列陳便宜十數事皆見施行尙書夏原吉以軍饟不給坐繫呂震言其柔姦侍讀李時勉嘗論事亦有言其賣直者皆激上怒榮委曲爲之辯解二十一年秋復扈從西征駐蹕萬金一切軍務悉以委榮二十二年復從北征浙江處州之

建寧府志

卷之九

名臣

六

三十三

予

麗水福建之政和山寇剽掠兵部請發兵勦之榮曰愚民窮於衣食剽掠求活耳急之則益生變臣以爲莫若招撫使上從之卒如榮言無事上嘗語榮及金幼孜曰東宮監國久熟於政務此歸悉付以天下事吾惟優游莫年榮等對曰皇太子孝友仁厚天下屬心允稱陛下付託上崩榮與左右中貴人奉殮如禮以去京尚遠戒勿發喪乃整軍嚴號令以行衆遂推榮偕中官海壽馳還報望太子宜大行遺命仁宗皇帝

嗣位累遷太子少傅兼謹身殿大學士尋進工部尚書兼前兩官三俸俱支上嘗命範白金爲方寸印四枚文曰繩愆糾謬以賜師傅榮與幼孜各受其一宣德初高煦反在廷多懷二心惟文臣三四人勸上親征榮其首也遂扈從討平而還交趾黎利聚抗王師總帥孱弱不支輒與利和且爲利奏請立陳氏後奏至上以示文武大臣皆勸擊之上從榮言竟偃兵息民是年八月車駕巡邊至遵化聞北兵逼塞下以道隘師

建寧府志

卷之三九

名臣

六十九

三百三十四

子

難並進上率鐵騎數千先馳擊之文臣獨榮在從旣還進少傅製白金圖書刻方直剛正四字賜焉數月上念榮先年老臣命與蹇義等四人並輟職務惟朝夕左右侍論議加賜玉帶御製詩畫秩滿吏部以聞降勅褒諭仍賜宴禮部遂頒少傅誥進封三代後兩扈從巡邊皆至洗馬林而還正統改元屬宣廟實錄成榮以總裁進光祿大夫柱國少師兼尚書大學士如故仍賜玉帶時上日勤聖學命榮同知經筵事五年謁

告省墓詔遣中官護行趣還京薨於武林蓋奉
秋七十二云榮立朝四十年皆居清密考鄉試者
一讀廷試卷者九克實錄總裁者三爲人闔疏
果毅遇事當爲奮前不疑於論古人必欲出親
見不肯苟同議辟率歸寬恕尤勤職事盛寒暑
及小疾未嘗少怠凡荒裔邊徼事及將帥勇怯
智愚靡不通知故忖量事勢悉皆預中一代相
業以榮爲首稱榮內篤孝友睦婣之行家故豐
裕且有厚祿能濟窮恤患無間疎戚性喜賓客
家

建寧府志

卷之五

名臣

七十

三百十七

予

雷鏊字有融建安人填族子也永樂進士選庶吉
士授雲南道監察御史巡按雲南考察藩臬以
下官員無少假貸奏戮內臣採辦害政者一十
九人時守帥頗驕蹇不法每以厚利啗巡歷者
無不入其籠絡鏊分毫無所取守帥懼預遣人
構之於京及鏊復命坐言語不正出知蕪湖縣

都御史顧佐素嚴毅慎許可特薦鏐於朝陞浙
江按察僉事時處州草寇葉宗畱竊發設計勦
滅之勅巡視浙江福建海道許便宜行事未幾
卒鏐居官清謹所至有冰蘖聲旣卒浙人作詩
哀之有除卻數函書籍外別無一物載歸舟之
句

楊旦字晉叔建安人榮之曾孫弘治進士授吏部
驗封司主事歷考功卽中人不致干以私尙書
王恕倪嶽馬文升咸器重之陞太僕少卿改太

建寧府志

卷之二十九

各臣

七

三百三十一

予

常正德丙寅乞省親時中官劉瑾橫恣嫌不往
謁以違限外調溫州知府陞浙江提學副使瑾
誅屢陞府丞府尹南京戶禮二部侍郎尋陞都
察院右都御史總督兩廣削平猺獞事聞降勅
獎勵初弘治間廣西思恩府岑濬作亂田州土
官岑猛至是夤緣復官旦持法竟不徇一時諸
路土官爲之帖服改南京都察院掌事未幾陞
南京戶部尙書尋改南京吏部已而上召吏部
欲大用之時議未禮旦率畱都部院長上疏論

列有旨令致仕且操履方正不事華靡居家坦
然自適初若不知其位至通顯者卒聞上諭塋
祭

林命字子順令陳陽金壇有聲擢諫垣首疏議革
冗官復條閩中致寇六事得借留都積帑及閩
中屯鹽之賦四十萬餘以克軍餉出叅楚藩晉
廣東廉訪尋有忌者左遷金華推官量移南部
遂解組歸命提身高潔居常撮集古人嘉言懿
行爲正氣傳自警歷官十餘年一稟清白而憂

建寧府志

卷之五

名臣

七十三

三百八

予

國公忠議論封駁不以詞色假人遇公正輒發
憤所著有正氣錄十卷春秋訂疑十二卷陽溪
堂集十六卷

李默字時言建安人自幼穎儁不凡第進士選翰
林院庶吉士嘉靖改元脩代來功擬執政封爵
默力爭觸恚改戶部主事陞兵部員外卽差兌
大同軍士戰馬該鎮卒素慄悍會經略侍郎胡
瓚措置失當輒嘯呼默亟疏易帥兵變遂定調
入吏部議復劉誠意及常李湯鄧四氏勲爵鄧

真人以方術貴幸請誥封默持不與常因計
條上地方事宜論次爲輿地圖數卷凡形勢
害兵賦脩攘之略悉具冢宰桂萼見而竒之待
爲奏聞世廟嘉悅文武會試皆充同考官因辨
論賓禮位次忤王司馬謫倅寧國府擢廣東僉
事雲南提學副使及浙江左右布政使所至著
卓異聲時大臣有以默公輔器薦於上者遂陞
太常寺卿掌南國子祭酒事尋陞禮部侍郎奉
特旨換庚戌進士題名記秋八月燕京烽急守

建寧府志

卷之二十九

名臣

七十三

三百三十四

季子

南門防禦周備未幾擢吏部尚書進賢拔滯秉
公持正相嚴嵩不得引用一私人遂與有恠值
推張臬爲遼東巡撫而臬故嵩之所啣者咸寧
侯仇鸞亦以請托不遂交讒中傷罷歸續鸞以
逆誅御批起默吏部尚書眷注益隆許乘馬禁
中有所撰進御書忠好二字以褒之時將有入
相之命而諸僉邪益耽耽側目客有以明哲爲
規者默嘆曰吾備位公卿年幾六十尚復何求
惟致身以答主恩足矣大計獨持衡鑑戒門下

無得通賓客嵩滋不悅會侍郎趙文華求大司馬不從乃據部試策題爲謗訕而嵩主之遂誣奏下獄尋卒趙文華入京前一夕慧出軫長數尺占者豫知爲妨正蔽明之象事詳國史鄭端簡常稱默文章氣節表著一時穆宗朝臺省岑用賓等明其寃准復官勅祭塋神宗贈太子太保諡肅愍錄其孫鈗入監讀書所著有群玉樓稿孤樹哀談建安人物傳朱子年譜輿地圖行於世祀鄉賢

建寧府志

卷之二十九

名臣

七十四

三百三十一

季子

黃仲芳字時茂甌寧人登永樂乙未進士選翰林庶吉士仁宗皇帝在東宮嘗語楊士奇曰孤介自守英邁異人惟見一黃仲芳也後除東陽知縣首鋤豪民及奸吏之爲民患者鄰郡有盜犯境仲芳以計殄之有三虎爲暴仲芳移文城隍果射中其一餘遁去秩滿邑民請藩臬懇畱弗獲有涕泣者大臣以才行薦擢湖廣右叅議施州有僞土官田姓者殺兄而奪其位越十有八年捕之不能得仲芳設方略擒之尋奉勅選將

平麓州靖遠伯王驥薦爲已副時宦官王振竊
權仲芳自外疏論之振聞而怒後振敗得免遷
雲南右叅政奏開中鹽之法以助軍餉卒于官
所著有澹庵旬宣二集琴堂薇垣平恕等錄

范嵩字邦秀甌寧人弘治壬戌進士授寧國府推
官數決疑獄六合縣有積豪結內侍權要恣橫
莫禦御史屬嵩勘寘之辟時逆瑾用事豪厚賂
瑾瑾卽詐旨逮御史及嵩豪尋自斃獄中事得
寢而嵩名已動京師拜御史瑾有校尉橫甚因

建寧府志

卷之五九

名臣

七十五

目三十
聖

事召答之瑾益憾調外任以副使巡海南戢服
劇賊王來等萬瓊黎賊猖獗嵩設防不敢復爲
患粵人依爲長城歷官巡撫四川南京工部右
侍郎懇疏乞休卒年八十六所著有衢村文集
及撫蜀題稿若干卷祀鄉賢

滕伯輪字汝載嘉靖壬戌進士令番禺海寇方熾
輪稽保甲備樓艦教技擊尋築外城節度省費
不貲入爲吏部卽出督學兩浙聲教整嚴所掄
錄極得人歷藩臬擢御史中丞操江南京條上

江防八事督撫浙江值歲凶多方賑濟力疏請
改折漕綱停減織造一一取中旨報可颶風起
海鹽防海塘堤震壞設方略發帑脩築如故春
汛海上忽島蠻集數舡將入犯急率諸將樓
艦擊之捕首馘百事聞恩賚有差凱旋飲至七
日卒上嗟悼贈兵部左侍郎蔭一子諭祭葬三
品未滿考予全葬自輪始

陳遜字必恭浦城人永樂間進士任監察御史彈
劾糾舉無所顧忌時朝廷以天下鹽場積弊滋

建寧府志

卷之三九

各臣

七十六

三百三十

三

甚分命御史給事中清之遜清北京河間運司
得官吏奸弊狀奏之逮捕運使梅應魁以下數
十人按陝西劾布政楊恭副使韓春等罔上虐
下春懼誣奏遜以他事遂自縊歿事聞太宗知
其誣置不問竟籍春家或謂其太過遜舉一家
哭何如一路哭語答之聞者嘆服又按吳中適
上海民有聚衆行劫者官軍不能制遜密授方
略擒之一道肅清復捕蘇松諸郡縣爲民害唐
全等千餘人民賴以安時呼爲陳掃帚以奸弊

爲掃除一空也尋按北直隸貞肅風聲不減吳
中歷陞雲南右布政使卒于官囊無遺貲都督
沐昂爲具棺殮

魏濬字禹卿號蒼水松溪人少警敏隨口屬對皆
工妙太和郭子章署松篆一見以名德許之子
章分校丙子闈首得蘇濬因時時稱閩中二濬
不置登萬曆甲辰進士初授戶部河南司主事
奉命管臨清倉轄河南山東二省糧濬禡蠹役
平量入官有餘以還輸者凡五千石陞卽中轉

建寧府志

卷之二十九

名臣

七十七

三百二十八

五

廣西提學僉事脩桂林諸學禮器創建思恩等
州學校較士之暇撫綏猺獞尋陞江西按察副
使備兵南瑞豫章宗姓白晝攫金於市濬以聞
直指下諸宗廷尉逮治濬亦以此拂袖歸旋起
山東布政司叅議防海青州時遼陽烽急兵馬
芻粟倚辦山左濬時教閱將士人人有敵愾意
遷湖廣按察使分轄衡永值黔蜀交訐苗蠻礦
徒表裏爲患濬遣人諭以德意明白剴切礦徒
解散焚其巢二千七百餘所陞江西左布政未

幾擢都察院右僉都御史巡撫湖廣黔警告急
濬以黔楚輔車單車冒暑行訓練士卒湖山之
賊皆不敢動八月謁陵道憩蒼水使者廟見像
貌類已心惡之未幾疾作將革惟與屬官言國
恩未報語不及私卒年七十三濬自處甚約一
縑袍衣十餘年喜周予凡親友貧者或授之產
或教之學或存恤其後好讀書尤善爲文所著
有易義古象通八卷世略十五卷武略十八卷
西事珥八卷嶠南瑣記八卷東粵事摘文摘十

建寧府志

卷之二十九

名臣

七十八

三百二十八

至

卷緯談一卷太乙括元十卷方言據一卷黃頴
孺一卷峽雲閣前鞞四十卷

真憲時字法侯號存古松溪人西山先生十二世
孫萬曆三十二年進士授刑部湖廣司主事陞
廣東司員外署陝西司郎中有田德者宦瑄之
姪也以事下獄遍賂朝貴托闈人奉憲時千金
立叱遣之論如律后恤刑浙江作爰書傳都下
凡恤刑者皆奉爲法陞江西布司叅議提督學
政稱爲真宗師父憂服闋尋補杭嚴道抑豪右

補

禁西湖遊人轉江西糧道漕弊一清改山東按
司分巡霸州時廣寧失守列城震驚憲時備禦
有素又請於部蠲逋餉數十萬緡以蘇貧困已
未大計舉天下卓異第三賜宴吏部天啓四年
陞河南按察使覃恩進階尋入覲復賜廉宴爲
第二人逆璫魏忠賢專政憲時言於朝忠賢怒
會推巡撫忠賢矯旨云真憲時爲楊漣所薦置
身門戶竟削奪崇禎二年准復原官推寧夏巡
撫已於元年八月病卒矣憲時嘗念文忠公大

建寧府志

卷之十九

名臣

十九

三百四十一

學衍義文章正宗讀書記等書皆闡明心學爲
治平之要嘗獲全本於金陵道中剗剝更新附
跋以行著有爰書及百將傳標旨行於世

吳廷用名棟以字行政和人永樂進士擢戶科給
事中仁廟在東宮時廷用以謹勤受知每呼爲
吳老實而不名及卽位吏部循資陞雲南僉事
陛辭上曰卿小心慎密君子也何爲遠去特陞
刑部右侍郎嘗奉勅往江西清理軍伍及湖廣
採木事竣復命特陞禮部左侍郎乞恩省親親

終哀毀踰禮上賜祭及塋啓土之日得石槨于
穴傍人以爲孝感所致服闋赴京力疏致仕

建寧府志卷之二十九

終

建寧府志

卷之二十九

名臣

全

五十六

全

